

عزّي ابوجود اخواني عني بيغيبون والله يرحم حالي

عندي يبو الأكبر هو اجس عندي اعتاب
آخرها أبقي ابكربلا فاجعني لمصاب
واعيوني عامنها النحب من فقد الأحباب
خلوني من عظم المصايب مفرقي شاب
أنا اللي ما حد صد إلي ومحفوظة بحجاب
وينه أروح وأخوتي صرعى بلتراب
وبعيوني أنظر للأهل من شيخ وشاب
وتالي مشيت امقيده في ولية أجناد

مالي أخو يرعاني

عندي بعد عينك ضعن فيه حسره وونين
ويش أرد لو طفلك سأل وين أبويه حسين
لو أخبره عنك صريع اموسد البين
الله يصبر مهجتي بمصابي ويعين
وأكتم على قلبي البكه وما تتشف العين
أقله غايب في سفر وقلبي شطرين
لازم بيسايلني يعمه واقع افوين
لا قاله الله تهني لي من بعدك اسنين

عمري شقه واذاني

هالليله باتت خيمتي في صفي أخوان
كل عمري في ضل أخوتي مرفوعة الشأن
بعدك يبعد الروح أنا أبتلي أباشجان
حرمة اشيقدرني على عسكر وعدوان
والله يعلم فجر الصبح وش يجري لو كان
أمي البتوله ووالدي دحّاي البيبان
صبر وأعادي وعائلة وخيام ونيران
مكسورة اجناح وهلي ماخذهم الزان

وهضم الدهر راواني

خادم أهل البيت(ع): عبد الشهيد الثور

ليلة 10 محرم 1414هـ/1993م

وقفة في موكب بن خميس